

Na osnovu člana 16. stav (2) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 9. stav (4) i stav (6) Uredbe o izradi strateških dokumenata u Federaciji Bosne i Hercegovine („Službene novine Federacije BiH“, broj: 74/19 i 2/21), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 36. sjednici, održanoj dana 19.07.2024. godine, d o n o s i

ODLUKU

o izradi Strategije razvoja naučno-istraživačke djelatnosti u Zeničko-dobojskom kantonu za period 2024-2034. godina

Član 1.

(Predmet)

Pokreće se proces izrade Strategije razvoja naučno-istraživačke djelatnosti u Zeničko-dobojskom kantonu za period 2024-2034. godina (u daljnjem tekstu: Strategija razvoja naučno-istraživačke djelatnosti).

Član 2.

(Principi)

- (1) U procesu izrade Strategije razvoja naučno-istraživačke djelatnosti primjenjivat će se principi razvojnog planiranja i upravljanja razvojem iz člana 4. Zakona o razvojnog planiranju i upravljanju razvojem u Federaciji Bosne i Hercegovine („Službene novine Federacije Bosne i Hercegovine“, broj:32/17).
- (2) Vertikalna i horizontalna koordinacija će se provoditi u skladu sa članom 6. Uredbe o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj: 74/19).

Član 3.

(Nosilac i učesnici izrade, veza sa relevantnom strategijom razvoja)

- (1) Nosilac izrade Strategije razvoja naučno-istraživačke djelatnosti je Ministarstvo za obrazovanje, nauku, kulturu i sport.
- (2) Učesnici u procesu izrade Strategije razvoja naučno-istraživačke djelatnosti su Ministarstvo za obrazovanje, nauku, kulturu i sport i Vijeće za nauku Zeničko-dobojskog kantona.
- (3) Ministarstvo za obrazovanje, nauku, kulturu i sport obezbjeđuje usaglašavanje i komplementarnost razvojnih pravaca i strateških ciljeva sa strateškim ciljevima iz Strategije razvoja Zeničko-dobojskog kantona za period 2021.-2027. godina, prioriteta sektorskih strategija u Federaciji i strateških dokumenata na nivou BiH, dokumenata relevantnih za proces integracije BiH u Evropsku uniju i drugih međunarodno preuzetih obaveza BiH.

Član 4.

(Proces izrade)

Proces izrade Strategije razvoja naučno-istraživačke djelatnosti odvijat će se po sljedećim fazama:

- a) izrada strateške platforme koja obuhvata određivanje vizije razvoja i strateških ciljeva;
- b) određivanje prioriteta i mjera;

- c) identifikacija strateških projekata;
- d) provjera međusobne usklađenosti strateških dokumenata;
- e) izrada indikativnog finansijskog okvira za implementaciju strateških dokumenata;
- f) definiranje načina implementacije, praćenja, izvještavanja i evaluacije strateških dokumenata;
- g) usvajanje strateških dokumenata uz prethodno provođenje procesa konsultacija.

Član 5. (Rok)

Vijeće za nauku Zeničko-dobojskog kantona će pripremiti Nacrt Strategije razvoja naučno-istraživačke djelatnosti te će ga dostaviti Ministarstvu za obrazovanje, nauku, kulturu i sport radi upućivanja Vladi Zeničko-dobojskog kantona, najkasnije u roku od devet mjeseci od dana donošenja ove Odluke.

Član 6. (Stupanje na snagu)

Ova Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-34-13143/24
Datum, 19.07.2024. godine
Zenica

PREMIJER

Nezir Pivić

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Vijeće za nauku Zeničko-dobojskog kantona,
putem Ministarstva,
- 1x Svim kantonalnim ministarstvima i drugim tijelima
Kantonalne uprave,
- 1x Stručna služba za razvoj i međunarodne projekte,
- 1x „Službene novine Zeničko-dobojskog kantona“,
- 1x a/a.